



Gwasanaeth
Mabwysiadu
Cenedlaethol

National
Adoption
Service

**Achieving More Together /
Cyflawni Mwy Gyda'n Gilydd**

Dyma beth rydym wedi ei wneud eleni 2017-18



Crynodeb byr ar gyfer plant, pobl ifanc ac oedolion

Mae yna hefyd adroddiad llawn. Gofynnwch am gopi, neu ei lawr lwytho o www.adoptcymru.com



CYFLWYNIAD

Mae bron pedair blynedd ers i'r Gwasanaeth Mabwysiadu Cenedlaethol (GMC) gael ei lansio. Yn yr amser hwn rydym wedi helpu i wella bywydau plant, pobl ifanc a mabwysiadwyr ar draws Cymru.

Mae'r adroddiad hwn yn dangos yr holl waith caled a gafodd ei wneud rhwng Ebrill 2017 a Mawrth 2018 gan y mabwysiadwyr, plant a phobl ifanc a gafodd eu mabwysiadu a'r staff proffesiynol.

Mae ein ffocws wedi bod ar leoli plant yn gyflym mewn cartrefi da a gwneud yn siŵr eu bod yn cael y cymorth sydd ei angen arnyn nhw ar ôl cael eu lleoli.

Rydym wedi parhau i wella ein gwasanaethau a lansio mentrau cyffrous, newydd fel Fframwaith Gwaith Taith Bywyd, Hyrwyddwyr Mabwysiadu'r GMC a chynllun Mabwysiadu Gyda'n Gilydd.

Diolch i bawb sydd wedi cymryd rhan yn y GMC – edrychwn ymlaen at wella'r cymorth mabwysiadu gyda chi dros y flwyddyn nesaf.

Cafodd y Gwasanaeth mabwysiadu Cenedlaethol ei lansio ym mis Tachwedd 2014.

Dyma'r pedwerydd Adroddiad Blynnyddol



Beth yw'r GWASANAETH MABWYSIADU CENEDLAETHOL?

Rydym yn fudiad sydd yn dod â'r holl wasanaethau mabwysiadu lleol o bob rhan o Gymru at ei gilydd. Rydym yma i wneud yn siŵr bod y gwasanaethau y gorau y gallant fod i deuluoedd sy'n mabwysiadu.

Mae Tîm Canolog Mabwysiadu Cenedlaethol yn gweithio gyda:

22 o awdurdodau lleol yng Nghymru sy'n gweithio gyda phlant sy'n derbyn gofal

5 asiantaeth mabwysiadu ranbarthol sy'n cael eu rheoli gan awdurdodau lleol yng Nghymru

5 asiantaeth mabwysiadu gwirfoddol

Bwrdd Rheoli sy'n gwneud yn siŵr bod y gwasanaeth yn cael ei rhedeg yn iawn

Grwpiau Cyngori, sy'n helpu mewn meysydd gwaith penodol o'n gwaith fel Gwaith Taith Bywyd





y PENAWDAU o 2017-18

Rydym bob amser yn ceisio gwella bywydau plant, pobl ifanc a theuluoedd sy'n mabwysiadu yr ydym yn eu helpu. Yn y flwyddyn ddiwethaf, mae'r gwasanaethau wedi gwella'n fwy nag erioed. Blwyddyn ddiwethaf:

- Cafodd dros 300 o blant eu lleoli yn eu cartrefi mabwysiadu newydd
- Cafodd tua 300 o blant eu gorchmynion mabwysiadu, sy'n golygu bod rhiant/ rhieni sy'n mabwysiadu'r plentyn yn dod yn rhiant/rhieni cyfreithiol y plentyn am byth
- Mae 350 o blant eraill yn barod i ddod o hyd i rieni i'w mabwysiadu neu gael eu lleoli gyda rhieni i'w mabwysiadu
- Rydym wedi helpu dros 500 o blant gyda'n gwasanaethau fel 'Talk Adoption' sy'n annog plant a phobl ifanc i gymryd rhan mewn digwyddiadau am fabwysiadu
- Mae yna dros 3,370 o drefniadau blwch llythyrau sy'n golygu bod perthnasau biolegol a rhieni sy'n mabwysiadu yn cadw mewn cysylltiad drwy rannu gwybodaeth ysgrifenedig am eu bywydau
- Mae dros 320 o rieni biolegol wedi cael gwasanaeth gennym
- Rydym wedi derbyn dros 200 o geisiadau i gael gweld cofnodion geni a dros 150 o geisiadau i gael help i gysylltu â theuluoedd biolegol
- Rydym hefyd wedi derbyn dros 60 o geisiadau am help gan frodyr, chwiorydd a pherthnasau eraill.


FFEITHIAU Diddorol

- Mae plant yn cael eu lleoli gyda theuluoedd i'w mabwysiadu yn gyflymach nag o'r blaen
- Roedd bron i un ymhob tri o'r plant sy'n cael eu lleoli yn grwpiau brodyr a chwiorydd gyda'i gilydd
- Mae bron i bob lleoliad mabwysiadu yn llwyddo
- Mae mwy o bobl am fabwysiadu

Pan ddechreuodd y Gwasanaeth Mabwysiadu Cenedlaethol, roeddem am wneud newidiadau positif i wasanaethau mabwysiadu.

Ein NOD oedd:

- Cynyddu'r amrywiaeth o deuluoedd sydd ar gael i fabwysiadu
- Lleihau'r amser y mae'n rhaid i blant aros am leoliadau
- Rhoi cefnogaeth dda i blant a phobl sy'n mabwysiadu
- Gwneud yn siŵr bod pawb yn cael y cyngor a'r gwasanaethau sydd eu hangen arnynt
- Parhau i wella gwasanaethau mabwysiadu



I gyflawni'r NODAU hyn, eleni fe wnaethom ganolbwyntio ar 3 maes allweddol:

- Gwellu'r gefnogaeth sydd ar gael i blant, pobl ifanc a theuluoedd sy'n mabwysiadu
- Lleoli plant yn effeithiol
- Gwellu'r cyfathrebu a'r prosesau





Gwella cymorth i blant, pobl ifanc a theuluoedd sy'n mabwysiadu

LLWYDDIANNAU

- Rydym wedi datblygu Fframwaith Cenedlaethol fel bod gan bob gwasanaeth lleol yr un nodau a chynlluniau
- Rydym yn cynnig mwy o help ychwanegol i blant, pobl ifanc a theuluoedd
- Rydym yn gweithio gyda llywodraeth leol i wneud yn siŵr bod mwy o arian ar gael i deuluoedd sy'n mabwysiadu
- Rydym wedi datblygu pecyn cymorth handi ar "Waith Taith Bywyd wrth Fabwysiadu" gyda phlant, pobl ifanc a mabwysiadwyr. Mae'r wybodaeth hon i weithwyr proffesiynol sy'n gweithio gyda phlant a'r teuluoedd fydd yn eu mabwysiadu yn y dyfodol

GYDA'N PARTNERIAID RYDYM WEDI GWNEUD 4 PETHAU HYN

- Fe wnaeth Adoption UK lansio "Y 1000 Diwrnod Cyntaf" sy'n rhoi help i deuluoedd sy'n mabwysiadu am eu tair blynedd gyntaf
- Rydym wedi helpu gwasanaethau addysg, fel ysgolion, i gefnogi plant sy'n cael eu mabwysiadu
- Rydym yn trio gwella mynediad i wasanaethau iechyd meddwl a lles i blant, pobl ifanc a mabwysiadwyr

4 CAMAU NESAF

- Byddwn yn gwella mynediad i gyngor arbenigol ar fagu plant sy'n cael eu mabwysiadu
- Byddwn yn diweddarau ein hyfforddiant i fabwysiadwyr
- Byddwn yn cynnig asesiad gwell a chymorth i blant a theuluoedd unwaith y byddant wedi cael eu lleoli
- Byddwn yn helpu asiantaethau a gwasanaethau eraill i ddod yn fwy ymwybodol o fabwysiadu
- Byddwn yn parhau gyda'n gwaith ar drefniadau cyswllt blwch llythyrau



Lleoli plant yn effeithiol

LLWYDDIANNAU

- Rydym wedi lleoli plant yn gyflymach gyda theuluoedd sy'n mabwysiadu
- Rydym yn dweud wrth bobl am ein gwaith ar y radio, ar lein a chyfryngau cymdeithasol er mwyn dod o hyd i deuluoedd newydd i fabwysiadu
- Lansiodd Cymdeithas Plant Dewi Sant "Mabwysiadu gyda'n Gilydd", sy'n dod o hyd i deuluoedd parhaol i fabwysiadu'r plant sydd wedi bod yn aros hiraf
- Rydym wedi cynnal "Diwrnodau Gweithgareddau Mabwysiadu" trwy Gofrestr Mabwysiadu Cymru, lle gall mabwysiadwyr a phlant gwrdd, a mwynhau gweithgareddau gyda'i gilydd cyn cael eu paru

Y CAMAU NESAF

- Rydym am ddiweddarau'r gronfa ddata ar gyfer Cofrestr Mabwysiadu Cymru
- Byddwn yn parhau i chwilio am fwy o deuluoedd i fabwysiadu



LLWYDDIANNAU

- Fe wnaethom wella'r ffordd yr ydym yn rhedeg ein gwasanaethau a'n gweinyddu i leoli plant yn gyflymach
- Fe wnaethom gynnal digwyddiadau difyr gyda mabwysiadwyr a phlant sy'n cael eu mabwysiadu
- Mae grwpiau misol "Talk Adoption" yn helpu plant a phobl ifanc i ddysgu sgiliau newydd a ffurfio perthnasau
- Mae ein grwpiau cymorth i blant a phobl ifanc yn boblogaidd iawn
- Rydym yn datblygu cylchlythyr i blant, pobl ifanc a theuluoedd sy'n mabwysiadu
- Rydym wedi siarad â mabwysiadwyr drwy gyfarfodydd "Adopter Voice" ac arolygon i wella ein gwasanaethau ar ôl mabwysiadu
- Rydym wedi gwella'n sgiliau proffesiynol o ran helpu plant, pobl ifanc a theuluoedd sy'n mabwysiadu

4 CAMAU NESAF

- Rydym am wella ein systemau a'n ffordd o storio data
- Byddwn yn cynnal mwy o ddigwyddiadau "Talk Adoption"
- Byddwn yn datblygu mwy o adnoddau fel cylchlythyrau, tudalennau gwe a grwpiau cymorth i blant, pobl ifanc a theuluoedd sy'n mabwysiadu
- Byddwn yn gwella'r cyfathrebu gyda phlant a theuluoedd ar ôl eu lleoli



EiN CYNLLUNIAU ar gyfer 2018-19

Yn y flwyddyn nesaf, byddwn yn gweithio gyda phlant, pobl ifanc a theuluoedd sy'n mabwysiadu i i gynnig y gwasanaethau a'r cymorth mabwysiadu gorau y gallan.



EiN NODAU:

Gwneud lleoliadau da

- Canolbwyntio ar anghenion plant a phobl ifanc
- Cyflwyno cofrestr a chronfa ddata newydd

Gwella cymorth

- Dewis y mathau o gymorth sydd yn bwysicach a dod o hyd i arian
- Parhau â'r cymorth yr ydym yn ei gynnig yn barod

Sut y byddwn yn GWNEUD hyn:

- Byddwn yn meddwl am y math o wasanaeth mabwysiadu yr ydym eisiau bod yn y dyfodol
- Byddwn yn cynnwys plant, pobl ifanc a mabwysiadwyr yn ein cynlluniau
- Byddwn yn gwrthio am newidiadau positif yn y gyfraith
- Byddwn yn gwella ein sgiliau proffesiynol i roi'r gwasanaeth gorau posib





Crëwyd y Gwasanaeth Mabwysiadu Cenedlaethol i wella gwasanaethau i bawb yng Nghymru y mae mabwysiadu'n effeithio arnynt.

Mae Gwasanaeth Mabwysiadu Cenedlaethol Cymru, a lansiwyd ym mis Tachwedd 2014 yn fenter arloesol ar y cyd ar gyfer cynnig gwasanaethau mabwysiadu. Daeth â gwasanaethau mabwysiadu awdurdodau lleol Cymru ynghyd i greu strwythur 3 haen sy'n cynnwys partneriaethau ar bob lefel gydag Asiantaethau Mabwysiadu Gwirfoddol Cymru, Gwasanaethau Iechyd ac Addysg ymhlith rhai eraill.

Ar lefel awdurdod lleol, mae'r holl gynghorau Cymreig yn dal i ddarparu gwasanaethau i blant sy'n derbyn gofal gan adnabod a gweithio gyda'r plant y mae cynllun mabwysiadu yn addas iddynt.

Yn rhanbarthol, mae'r holl awdurdodau lleol yn gweithio gyda'i gilydd o fewn pum cydweithrediad rhanbarthol i gynnig ystod o wasanaethau mabwysiadu. Mae gan bob cydweithrediad rhanbarthol gysylltiadau ag asiantaethau mabwysiadu gwirfoddol, iechyd ac addysg. Mae'r gwasanaethau a gynigir yn amrywio mewn pob cydweithrediad, ond maent oll yn cynnig swyddogaethau asiantaeth mabwysiadu i blant, recriwtio ac asesu mabwysiadwyr, cynnig cwnsela i rieni genedigol a chynghor i oedolion a fabwysiadwyd. Ar hyn o bryd, mae rhai ohonynt yn cynnig gwasanaethau cymorth mabwysiadu'n uniongyrchol, ond mae hyn yn gyfrifoldeb ar yr awdurdod lleol mewn mannau eraill.



Tîm Canolog y Gwasanaeth Mabwysiadu Cenedlaethol
c/o Cyngor Dinas Caerdydd
Ystafell 409 Neuadd y Sir
Glanfa'r Iwerydd
Caerdydd CF10 4UW

F: 029 2087 3927
E: contact@adoptcymru.com
www.adoptcymru.com